

Goibekokale

ELGETA / Barikua / 2002ko otsailaren 22a / 88. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Udala eta Ozkarbi, frontoia erabiltzeko hitzarmena sinatzeaz

OXEL EROSTARBE

Asteetan, Udala eta Ozkarbi Pilota Elkartek sinatzeko zuten hitzarmenaren gainean esames ugari entzun dugu. Datorren Gobernu batzorderako akordioa lortzea espero dute. Ozkarbi ez du dirurik ordaindu beharko frontoia erabiltzeagatik.

Astelehenean batu ziren Ozkarbi Pilota Elkartekoak, frontoiaren erabilera dela eta Udalarekin sinatu behar duten hitzarmenaren gainean berba egiteko.

Udalak egin dien proposamenari zenbait aldaketa egitea nahi dute Ozkarbiok, zenbait puntutan zalantzak dituzte eta. Udalak Mankomunitateko edo berak antolatutako partiduak daudenean epaile egiteko ardura Ozkarbiokengana utzi nahi du. Zenbait partidatan epaile egiteko prest egongo zirela onartu arren, Ozkarbiok ez daude prest beti horrela izango dela hitzartzera.

Udalak frontoia astean behin garbitu eta behar diren konponketak egiteko ardura hartuko du. Partiduak dauden egunetan, frontoia garbitu behar dela pentsatuz gero, Ozkarbiok hartuko dute horren ardura.

Entrenamendurik edo haurren ikastarorik ez dagoenean eta partidurik antolatzen ez duteenean, Ozkarbiok ez dute frontoia erabiltzeagatik dirurik ordaindu beharko.

Udalarekin akordio batera iritsi arte, Ozkarbiok ez dute argi izan lau t'erdiko txapelketa antolatuko zuten ala ez. Frontoian partiduak zeuden bakoitzean alokairua ordaintzea ezinezkoa izango zen-eta txapelketa behar bezala antolatzeko.

Astelehenean, txapelketarekin aurrera egitea erabaki zuten. Aurtengo txapelketa, ordea, desberdina izango da, ezingo dute eta nahi duten pilotari guztiek parte hartu. Guztira afizionatu eta gazte mailako 60 pilotari onenak gonbidatuko dituzte txapelketara. Afizionatu mailako txapelketa garrantzitsuenetako honekin laster hastera espero dute Ozkarbi Pilota Taldekoek.



Hitzarmenaren arazoa konpondu eta gero, laster ekingo dio afaizionatu mailako lau t'erdiko txapelketak.

KIROLDEGIAN TARIFA BERRIAK

Aurrerantzean hauek izango dira kirol instalazioen erabileragatik ordaindu beharko ditugunak.

Pilotalekua argiarekin erabiltzeagatik 7,5 € (1.200 pta.) eta argirik gabe 4,5 € (750 pta.). Sautan erabiltzeagatik, ordua 3,5 € (600

pta.) izango da. Squasha erabiltzeagatik 3,5 € (575 pta.) izango da ordua. Dutxa, 0,75 € (150 pta.) ordaindu beharko da.



JUAN LUIS UBERTA / OZKARBI PELOTA ELKARTEKO KIDIA

"Frontoiaren erabilera ordaintzia, diru galera haundixa izango litzake guretzat"

Zelan hartu dozue Udalak frontoian erabillerarako egindako proposamena?

Gauza positibua ikusten ditudugu, frontoian partiduak antolatzen ditudunian ez dogu erabiltzea ordaindu beharko-eta. Hala eta bezala, puntu batzuetan ez gare ados, Ozkarbiok Udalan ekintza batzuetan inplikatu nahi gaittue-eta. Akordio batera helduko garela segurua da, bi aldiok horretara heldu

nahi dogu-eta.

Hitzarmenaren gainean asko egin da berba, partiduak antolatzen ordaindu beharko zinuatela...

Geu be nahiko harrirtuta geratu gara horrekin. Egunkarixan irakurri giñuan frontoian partiduak antolatzen ordaindu beharko giñuala. Horrek talde moduan parte hartzen dogun partiduetan eta antolatzen dogun txapelketan

diru galera haundixak izatia eragingo leuke.

Zelan doa lau t'erdiko txapelketaren antolaketia?

Hitzarmenian frontoia erabiltzeagatik ordaindu bihar ez dogula jasota geratuko dala lotuta euki arte, ez dogu nahi izan txapelketari hasia. Apiril bukaeran hasiko da lau t'erdikua. Berandu gabizenez, kategorixa bakoitzetik 24 edo 32 pilotari ekarriko ditudugu.

LABUR

Bake epailea izan nahi dutenentzat epea zabalik

Martxoaren 8ko eguerdiko 12:00ak aurretik, udaletxeko bulegoetara hurreratu beharko dira bake epaile izateko interesa dutenak. Bake epailea eta ordezkia Lege baldintzak betetzen dituzten artean aukeratuko ditu Udalak lau urterako. Inor ez bada aukeratu, biztanleen artean aukeratuko da bake epailea.

Gaur iluntzean euskal presoek aldeko bilkura

Hileko azken bariku guztietan bezala, bilkura egingo dute gaur *Euskal Presoak Euskal Herrira* lemapean.

Bilkura plazan izango da iluntzeko 20:00etan. Aurrerantzean ere presoek eskubideak errespetatuak izan daitezzen eskatzeko bilkurak egingen jarraituko dute.

Sagardotegira irteera bertan behera geratu da

Gaztetxeak zapatu honetatara ko antolatua zuen Sagardotegira irteera bertan behera geratu da nahikoa jendeak izana eman ez duelako.

Martxoan sei urte beteiko ditu Gaztetxeak eta egitarau zabala osatzen dihardute. Sagarroi eta Ken 7 bezalako taldeak hurbilduko dira.

Batasunaren proposamenaren aurkezpena

Datorren egunean, otsailak 28, gaueko 21:00etan Kompartide Demokratikorako Proposamena aurkeztuko du Batasunak liburutegian. Azken hilabeteotan landu eta osatutako proposamena aurkezteaz, Xabier Lasarte Batasuneko Gipuzkoako mahaiakidea arduratuko da.

HIRIGINTZA

Dagoeneko 41 lagunek eman dute izena babes ofizialeko etxebizitzetako zerrendan

O.E.

Aurreko egunean, babes ofizialeko etxebizitzetako gainera bileran izan zen Udaletxean. Patxi Basuari alkateak, Kristina Zarrabeitia Udaleko arkitektoak eta Edorta Silva Elgeta 21 SLko gerentek eman zituzten Torrealdeko etxebizitzetako inguruko argibideak.

Osoko bilkuren aretoa bete egin zuten Torrealdeko eraikiko diren babestutako etxeen gainean interesa daukaten elgetar eta kanpotarrek. Etxebizitza horiekiko interesatuta 41 lagun daude.

Kristina Zarrabeitia Udaleko arkitektoak esan zuenez, momentu honetan Udalarendako garrantzitsuena da jakitea zenbat lagunek duten benetako interesa

babes ofizialeko etxebizitzetako; horren arabera zenbat etxebizitza eraiki erabakitzeko.

Izena jende dezente eman duela kontuan hartuta, seguru aski babes ofizialeko hogeita lau etxebizitza eraikiko dituzte. Erabakitzeko dago babes ofizialeko etxebizitzak zein etxebizitza bloketan kokatuko diren. Martxoaren bukaeran, PERI onartzen denean, guztiz erabakita geratuko dira bai etxebizitza kopurua baita kokalekua ere.

IZENA EMAN DAITEKE ORAINDIK

Momentuz, Udalak ez du babes ofizialeko etxebizitzetako izena eman nahi dutenen zerrenda itxiko.

Datorren astean bertan etxebizitzetako inguruko batzarrean izan zirenei deituko diete, oraindik ere interesa duten jakiteko.



Elgetako Udalak espero du urte bukaeran hastea etxebizitzekin.

LABUR

Elgetan lapurtu zuten kamera Bilbon agertu da

Domingo Iturbe kaleko etxebizitza baten aurreko martitzenean lapurrek eramandako bideokamera Bilbon egindako miaketa baten antzeman du hango Udaltzaingoak. Etxean sartzeko, plastikozko txartela erabili zuten lapurrek. Ertzainak adierazi digunez, joan den aspaldian prozedura hori erabilia egindako lapurretak ugartu egin dira gure ibarreen. Prozedura hori erabilia egiten diren lapurretak eragozteko era bakarra da etxetik irteten garenean atea ondo ixtea, sarrailari buelta batzuk emanda.

Eguaztenean estankotan eta Aintzane dendan lapurtu ondoren 250 kartoi tabako auto barruan utzita ihes egin zuten lapurren inguruko ikerketa zabalik du Ertzaintzak.

TXIMISTA

Kanpandorrean erori zen tximistak kalte ugari eragin ditu

O.E.

Aurreko asteko egunean (otsailak 14) 11:30ak aldera elizako kanpandorrean erori zen tximistak kalte ugari eragin zituen. Kasu gehienetan etxeetako aseguruak ordainduko dituzte kalteak. Kanpandorreko tximistorratza izorratuta utzi zuen tximistaren indarrak.

Etxebizitzetako, kiroldegian, gaztetxean, industrialdean, udaldegian, elizan eta GOIBEKOKALEko bulegoan... Eragin zituen kalteak eguen goizean kanpandorreko tximistorratzetik herrira zabaldu zen deskarga elektrikoak.

Herriko nagusienek esan digutenez, aurretik sekula entzun gabeko zarata atera zuen trumoiak. Eta energia sarean ohikoa baino energia gehiago pilatzeak eragin zituen

kalteak ere izugarriak izan dira. Telefonikakoek esan digutenez, kalteak herri osoan izan direnez, ezin da zehaztu zenbat telefono izorratu diren. Ordenagailu askotan oinarriko eta komunikazioetako modemak eta energia elikadura iturri ugari ere izorratu ziren. Zenbait etxetako telebista, bitrozeramika eta elektragailuak ere kaltetu zituen trumoiak.

Kanpandorreko tximistorratzak ezin izan zuten tximistak askatutako energia guztia hartu, eta, ondorioz, hainbat noranzkotan zabaldu zen energia lurre-rantz. Artekalera elizako teilatutik behera zihoan erretenetik jaitsi eta hango estolda altxatu zuen. San Roke kalera, kanpandorretik eta elizako teilatutik harriak eta teilak erori ziren.

Tximistaren eraginez, eraikin kaltetuenak eliza eta udale-

txea izan dira. Elizan argindarraren koadroa eta argi instalazioa izorratu zituen. Udaletxean hiru ordenagailu izorratu ziren. Horrez gain, herriaren goiko aldean 30 farol, argindarraren koadroa eta programagailua izorratuta daude. Kiroldegian eta gaztetxean galdaretan eta zenbait aparailutan kalteak eragin zituen.

GOIBEKOKALEko bulegoan bi ordenagailu eta telefonoan egin zituen kalteak.

Baten tabernan mikrouhinak salto egin zuela, bestearen etxean salto egin zuena telefonoa izan zela, herritar guztien ahotan izan da tximista eguena.

TXIMISTORRATZA KONPONDUKO DUTE

Egueneko tximistak kanpandorreko tximistorratza izorratuta utzi du, eta aste honetan bertan konponduko dute teknikariek.



Hobekuntzak Kanpanzarko bidian

Azken bi astietan, Elgeta eta Kanpanzar arteko bidian konponketak egiten jardun dabe Diputaziñoko bihargiñek. Zaharrak zeuazzen bazter babesak aldatu eta arrisku haundiko errebueltetan barrixak jarri dittue. Izan be, bide alboko piñadixak bota eta baztarrak garbittu zittuenetik hona, autoren batek istripua izanez gero ez zeukan babes haundirik./O.E.

JAR EZAZU HEMEN ZURE PUBLIZITATEA

Goibekokale



PANA DE ROKUA JATEITXEA

Asteburuetan bertako babak eta saiheskia

SALBADOR 10 ELGETA TEL. 943 76 82 73



RECYDE, S.A.

Pagotza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es



AENOR ER
Enpresa Erregistratua
ER-0182/2/95

ISO 9002
QS 9000
ISO/TS 16949

ERRETRATUZAHARRA


San Martin
ikastetxeko
ikasleak Bilbon

Oraingo asteko erretratua Bergarako San Martin ikastetxeko ikasleek 1990. urtean egindako irteera batekoa duzue. Antza denez, eskolara-ko lan bat egin behar zutela eta, Bilboko itsasadarra ikustera joan ziren. Hango arduradunek era guztietako azalpenak eman zizkieten ibaiko nabigazioaren gainean. Erretratua hango bulegoetako baten ateratakoa da. Argazkian agertzen diren ikasleek 10-11 urte izango zituzten orduan. Honako hauek dituzue, ezkerretik eskumara:

Aurrean: Vanessa Gómez, Agustin Rueda, Francisco Martínez, Jorge Álvarez De Dios, Luis Murillo, Johanna Pérez, Maria Elisabet Blanco, Paloma Goenaga eta Bittor Gallastegi.

Bigarren ilaran: Ruben Zabaleta, Ander Ortigosa, Mikel Bakaikoa, Raul Ruiz, Irène Abad, Maria Jose Zafra, Rakel Molina, Ana Belen Martínez eta Nerea Cabanillas.

Hirugarren ilaran: Juan Miguel Caballero, Jokin Ramajo, Francisco



Santiago, Miriam Murugarren, Yoana Luceño, Ana González eta Aitor González.

Atzean: Jesus Gómez, Andoni Rodríguez, Julio Del Mazo, Jon Ortiz de Zarate, Yoana Heis eta Rakel Rubio.

Argazkia: Johanna Pérez.

ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

San Antonioko
ermitari agur
1997an

Herrian azken urteotan aldaketa ugari izan dira, eta San Antonio auzoa dugu horren lekuko. Alboko bi argazkiak ikustea besterik ez dago. Antzuolatik datorren Deskarga erreka bideratzeko, XIX. mendeko San Antonioko ermita eta La Parra tabernako etxea bota behar izan zituzten 1997ko abenduan. Bi eraikin haiek auzoko adierazgarriena-takoak ziren.



1997 Fran Letek 1997ko abenduan ateratako argazkian San Antonioko ermita eta La Parra taberna ikus daitezke (BUA).



2002 San Antonio, gaur egun. Urteagan egiten ari diren babes ofizialeko etxeetan, etxabeetan, hain justu, ermita bat izango dela agindu zuen Udalak.

Zumelaga
JATETXEA


60 urte zuen zerbitzura!

San Antonio 5. BERGARA. 943 76 20 21

Zuri Beltz
margoak

Barnealde eta kanpoaldean
erreforma
Pintura zerbitzu osoa
Moketak

943 76 14 60
607 447 494
943 76 59 59
Bergara



Manufacturas LARRAÑAGA
LAN-BABESERAKO ARTIKULUAK

•Seinaleztapena
•Jantziak

Leizeaga 1 BERGARA Tel. / faxa 943 76 59 53.



2-16
urte

2002-2003 ikasturtea
MATRIKULAZIO EPEA
otsailaren 18tik martxoaren 1era

SAN MARTIN

HAUR ETA LEHEN HEZKUNTZA (HH-LH)
Boni Laskurain 25. Tf. 943 76 21 47
Ordutegia: 09:00etatik 13:00era eta 15:00etatik 17:00etara

IPINTZA

DERRIGORREZKO BIGARREN HEZKUNTZA (DBH)
Boni Laskurain 17-19. Tf. 943 76 31 42 / 20 82
Ordutegia: 09:00etatik 13:00era eta 15:00etatik 17:00etara



SAN MARTIN - IPINTZA - M. ALTUNA

B e r g a r a k o i k a s t e t x e p u b l i k o a k



Sukaldeen berritzea.

Bainugelen berritzea.

Zeramikan azken berrikuntzak.

Etxea berritzea ondo atera dadin, Jakinan gremio guztiak eskaini eta koordinatzen dizkizuegu.

Jakina, zurekin pentsatzen.



JAKINA

BAINUGELAK • ZERAMIKA • SUKALDEAK
Bergarako FAGOR banatzaile bakarra

FAGOR 
Sukaldeko altzariak

AENOR

Producción
certificada

6
URTEKO
GARANTIA

San Lorenzo Industri Pol., Amillaga 10. BERGARA.
Tel.: 943 76 03 30. Faxa: 943 76 02 91.